

北京圖書館 編

北京圖書館藏珍本
年譜叢刊

第164冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 164 冊



第一六四冊目錄

楊奐年譜	一
丁文誠公年譜	三一
馬端敏公年譜	三八
通齋自記	六〇
齋庵府君年狀	六四

光緒二年十月二十六日內閣奉

上諭署盛京將軍刑部尚書崇實老成練達
才識俱優受

先朝知遇之隆由翰林洊躋卿貳由駐藏大臣
升授成都將軍署理四川總督

穆宗毅皇帝優加倚畀內擢正卿簡任部旗事
務勤慎恪恭克盡厥職上年命往奉天查
辦事件即令署理盛京將軍剿辦馬賊整

飭吏治均能盡心籌畫妥協機宜昨因患
病奏請開缺寬予假期方冀調養就痊長
承恩眷茲聞溘逝悼惜殊深著加恩追贈
太子少保銜照尚書例賜卹任內一切處
分悉予開復應得卹典該衙門察例具奏
其靈柩回旗時著沿途地方官妥為照料
並准其入城治喪伊孫景賢著賞給舉人
准其一體會試用示眷念蓋臣至意欽此

贈太子少保原任刑部尚書署盛京將軍
崇實祭文

朕維才兼文武立朝推幹濟之賢志矢公
忠在位盡鞠躬之誼生資倚寄歿備哀榮
馨薦特頒彝章用賁爾贈太子少保原任
刑部尚書署盛京將軍崇實器識宏深才
猷敏練科名早掇詞苑旋登職翊贊於青
宮注起居於丹扆學士則清華共羨總司

則崇替攸關冠錫貂蟬班崇鵷鷺同卿奉
馭匭使賓門司徒司空襄勤任事專受專
對承旨恩濃迨其駐藏宣勞揚威專聞名
齊大樹輕裘緩帶之風府建高牙翠軸鸞
書之寵遠籌邊徼氛已靖夫牂牁兼主武
闡才盡儲夫桓趙嗣膺內名載奉恩綸統
馭禁軍超司秋典直講幄則敷陳剴切典
春闈則衡鑒公明賜壽而拜龍章天教益

算入覲而趨鳳藥詔許垂鞭昨赴陪都重
承迪簡崔苻既靖節鉞旋持治軍而法備
韜鈴課吏而效收指臂正資敷歷忽告淪
徂披覽遺章彌深軫悼爰加卹典特晉宮
銜畀乃弟以重權冀收功於未竟榮爾孫
以一第期繼武於前徽於戲愴箕尾之歸
真靈光如在憶履聲之入聽雅範猶存歆
此苾芬尚其來格

光緒三年正月二十日


贈太子少保原任刑部尚書署盛京將軍
崇實碑文

朕維統師翊治勤施端藉夫老成稽典酬
庸恩眷不殊於存歿求舊憫耆臣之逝飾
終重嘉績之垂異命載頒豐碑式勒爾太
子少保原任刑部尚書署盛京將軍崇實
提躬忠篤績學優長始由芸館起家繼乃
芝坊晉秩講帷侍直獻納彌勤香案趨班

起居必注學士領承明之選宮詹為彈肅
之官職煥冰銜冠輝吉羽洊歷外臺左御
遞權民部冬官嗣待制於西班復承恩而
外簡安邊駐藏仗鉞宣威聲名直勒范韓
治軍有法綏撫遠追羊杜開府垂勲校士
武闡才呈貔虎防秋絕塞氛靖獯豸迨奉
溫綸召歸朝右俾統綠營之旅兼掌白雲
之司樹望經筵允孚一德持衡禮部蔚起

羣材寵賁丹綸大衍流延鴻之慶恩承紫
禁康侯昭錫馬之榮客歲馳驅陪都奉使
克殲醜類遂擁節旄澄敘官方繕修軍政
罔弗重資經畫獨矢公忠眷顧方深遺章
遽告震悼而優加卹賞哀榮則持贈宮銜
謚以文勤易名允協於戲嘉效忠於往日
績炳貞珉期繼起於後賢澤留累葉

光緒三年歲在丁丑正月二十四日



五

楊盦年譜

樸山氏自誌



嘉慶二十五年庚辰一歲秋七月十八日寅時實生於

京師東四牌樓南勾欄衙衙祖宅之西廂吾宗完顏氏

分源於金章宗 高祖刑部侍郎左翼正監督勉齋

公 曾祖河南布政使曉巖公 祖山東泰安府

知府署理山東督糧道曙墀公 父南河總督見亭

公老宅在鼓樓東大街 泰安公外宦浙魯棄去

河督公供職內閣初置勾欄衙衙宅丁丑年轉外班

翰林以中允充館職是年四月 泰安公引疾歸道

經白果河得風疾卒於南柯店旅次

河督公先已

迎侍中途卽扶輓歸里

程佳太夫人懷

實

已八越月

矣計誕生當在六月乃遲一月而後生生之夕

祖

母憚太夫人夢

泰安公偕一行脚僧入內室方詫

詢問

泰安公曰此東岳頭陀吾再三邀之乃肯來

勿輕視也寤而家人報予生故命乳名曰岳保

道光元年辛巳二歲

二年壬午三歲始出痘祇七粒家人皆不覺

實

方隨

母歸省外家

外祖母見而詫曰是天花已結痂矣

俗呼爲七巧痘餘毒發於喉間左右各一危甚乳母劉
晝夜懷抱至廢眠食迷惘間見一老人撫視所患因求
救治老人曰此非我不能然汝毋恐隨於鶴筆中掣寶
劍出左右割之乳母驚覺而予之兩頤同時膿潰哭始
有聲 太夫人因詢夢中狀則云白髯披紅鶴筆入
門時卽言住本司衡衡雙闕廟此子有難故來云云因
往察東廡有 華陀祖師像正符所夢吾 母卽發願
每月上香燭錢至今敬遵不敢懈

三年癸未四歲吾 父以京察一等記名

簡放甯國府遺缺知府單騎出都赴安徽省卽補徽州府知府

遣人迎養 太夫人遂率眷之官

四年甲申五歲隨吾 母奉 太夫人出都至清江

買舟先回常州歸省後紆道杭州遍遊西湖達徽州署

實始入塾識字授讀者曹粹庵太老夫子爲歙縣廩貢

生吾 父之啟蒙師也秋間吾 父調任潁州先奉

太夫人同行吾 母有身不便陸行率 實與四胞姊

暫留新安

五年乙酉六歲吾 母生六弟不育遂由水路繞赴潁